

佛說如幻三昧經

籍

書

上

八十八
卷六

47659



元祿九年丙子二月日重脩

皇圖鞏固 帝業綿昌

佛日增輝 懺輪常轉

山城州天安寺法金剛院置



佛說如幻三昧經卷上

西晉三藏竺法護譯

蒙

聞如是一時佛遊於王舍城靈鷲山與大比
 丘眾俱比丘六万二千一切聖智神通已達
 而悉耆年菩薩四万二千濡首童真之等類
 其名曰師子英菩薩慈氏菩薩光世音菩薩
 得大勢菩薩辯積菩薩建立遠菩薩山頂菩
 薩山幢菩薩無動菩薩善思議菩薩所思誼
 菩薩心勇菩薩心志菩薩善心菩薩珠積菩
 薩石磨王菩薩寶掌菩薩寶印手菩薩常舉
 手菩薩常下手菩薩常精進菩薩御眾菩薩
 篤進菩薩任言行相應菩薩超願菩薩立報答



菩薩等思菩薩棄諸惡趣菩薩度無量菩薩
度無動菩薩虛空藏菩薩上意菩薩持意菩
薩增意菩薩術詳菩薩執誦菩薩日光菩薩
月英菩薩光英菩薩光首菩薩逮若干光菩
薩師子步雷音菩薩辯無礙菩薩妙辯菩薩應
辯菩薩度意菩薩顯日月光菩薩空無菩薩
曾遊菩薩常笑菩薩善根菩薩除諸蓋菩薩
轉女菩薩轉男菩薩轉胎菩薩被德鎧菩薩
大慧菩薩允熅菩薩照明菩薩無受菩薩受
音菩薩深藏菩薩衆香手菩薩解縛之等八
正士俱如是等類四万二千四天王天帝釋
梵忍王此及餘天六万人俱湏深天子善住

意天子大神妙天善意天大慈天如斯之等
三萬人俱皆志大乘燕居阿湏倫與二万億
阿湏倫俱有海龍王與六万龍王俱從海出
此及他方無數天龍鬼神阿湏倫迦留羅真
陀羅摩睺勒不可稱限百千億載比丘比丘
左童男童女不可計會皆悉來集如來垂哀

與無數衆眷屬圍繞而爲說法尔時文殊師
利自在其室獨遊燕坐以空無心離心三昧
而爲正受文殊即時從三昧起適安隱興震
動十方無量佛土文殊師利心自念言如來
至真平等覺者今爲所在於世求之甚難得
值猶靈瑞華時時而出耳其所現方難及難

當非心所思非言所暢深妙超絕巍巍無量
佛現於世終不虛妄因得聞法所聽經典未
曾唐舉猶是衆生滅除苦患如斯真正非爲
無益吾今寧可詣如來所應時啓問隨其所
質令諸德本一切備悉假使有人學菩薩乘
令不疑惑深妙佛法成就道義悉蔽魔宮此
忍界中衆生之類其姪怒癡甚爲興盛離清
白法但行無義愚戇扞突心懷憍慢而無恭
恪所可修業多所違失捨佛法衆當令衆生
聞如此法淨智慧眼于時文殊復更念言當
詣十方諸佛世界請召無量百千菩薩使集
佛所聽受經典其身證明此深法忍文殊師

利以離垢光嚴淨三昧而爲正受適三昧已
尋時東方億江沙等諸佛世界普爲大明潤
澤柔軟離垢顯曜清淨光光東西南北四維
上下十方佛土光明所照悉遍若斯等無殊
隔其於十方幽隱暗冥蔽翳方域山石墻壁
樹木華實鐵圍大鐵圍日隣山大目鄰山雪
山黑山及須彌山而悉蒙照靡不顯曜無所
蔽礙時於十方諸佛世界一一江沙億數佛
土諸佛世尊現在說法此諸佛邊一一侍者
各問其佛以何因緣忽有大光普遍世界從
古以來未曾見聞如此光明潤澤和雅靡不
蒙濟今蒙佛光明衆身安隱令心清澈皆見

拔擢順時無違無復犯行姪怒愚癡此之瑞
應爲誰聖言之所建立所演光曜暉赫若茲
是諸佛世尊觀諸侍者之所啓問默然不應
其彼世界天龍神聲阿湏倫迦留羅及金翅
鳥捷沓和聲人非人聲飛鳥鹿聲風雨水聲
大海中聲歌伎樂聲斯等之類蒙佛威神悉亦
寂然無暢音者一切諸響悉爲淡泊其諸侍者
啓問諸佛如是至三世尊願說多所哀念多
所安隱憐愍諸天及世間人爲誰威神出是
輩聲其大光明普諸佛土于時諸佛億江沙
數各從刹土同時一聲各集其音柔輒了了
悉從一佛出若干教口之所演如是像音同

時報告諸侍者曰諸佛世尊適宣音已一切
佛土皆為之動百千妓樂不鼓自鳴諸天人
民阿湏倫樂亦復如是其音亦演非常響空
非身之聲空無相願虛無恍惚本無之聲本
際之聲捨姪怒癡無三界聲如審諦聲施戒
忍進禪智之聲詳慙愧聲慈悲喜護聲遵修
奉行無放逸聲如是若干常宣百千法誼之
聲此所講法令不可計無鞅數人億百千衆
立不退轉志於無上正直道意開化聲聞及緣
覺法釋梵之位成轉輪王其亦若茲於是諸
佛告諸侍者諸族姓子汝等默然專問是為
此非聲聞緣覺之地所能及者諸天世人及

阿湏倫聞此迷荒如來咨嗟頒宣斯光明其
功德勲不可思議所積功祚無能惟察所學
精進智慧之業乃能致此究竟光明若於一
劫過劫之餘咨嗟光明不能暢盡得其原際
此光明曜所興慈悲魏魏如斯諸佛侍者再
三聞此所歎咨嗟益以飢虛重復啓白唯諸

大聖以時宣暢多所哀念多所安隱愍傷諸
天及十方人并諸菩薩大乘學衆令成德本
於時諸佛告衆侍者言族姓子有一刹土名
曰忍界於彼有佛名釋迦文如來至真等正
覺明行足為善逝世間解無上士道法御天
人師為佛世尊興於憤亂五濁之世其土衆

生姪怒癡盛慢無肅恭棄於淨志清和之德而離慙愧專為誤失衆惡之業如是等類下士之黨諸愚騃子修衆惡行故生彼土逮成無上正直真之道為最正覺而說緣法彼有菩薩名曰文殊其力廣大聖慧無極精進無比威變若茲勸化開示諸菩薩衆使入高德無極大乘為諸菩薩之父母也曉了隨時解一切法分別章句智慧無礙度于彼岸辯才無際逮得揔持曉了一切衆生根本從所明識而為流布功勳之德不可思議故徃啓問如來至真所當行業使諸菩薩成就德本進諸菩薩令其究暢務念佛法是族姓子文殊師利

請諸菩薩故演真妙隨宜時光使諸十方無鞅
數億諸菩薩會當令聽受此佛所說法所以
由是顯其究明普遍佛土侍者白問其三昧
定名曰何等佛言号離垢光嚴淨文殊師利
住斯定意所演魏巍神妙究明遐照如此時
諸侍者復白佛言吾等造來未曾見遇如是
比像柔輒清和音聲志願光明妙響緣是之
故以無盡哀隨時演光快哉如是道德超殊
無思議曜令人踊躍乃如此乎佛言族姓子
時時乃奮斯大洪曜會諸菩薩講宣經典開
示大道也尔時十方無數難計不可思議八
方上下面面各各千億江沙諸佛之土各有

無量不可思議諸菩薩衆皆詣佛所稽首足下
前白佛言唯願大聖此何允明自從咎來未
曾見聞此何允應於是佛告諸菩薩有族姓
子世界名忍有佛号曰釋迦文如來至真等
正覺現在說法彼有菩薩名曰軟首演布如
斯光明之曜其究名曰請諸菩薩悉令集會
是其瑞應時諸菩薩各白佛言我等欲詣至
於忍界奉見能仁如來至真稽首講問諮受
所聞亦欲親覲文殊師利及餘菩薩其佛各
曰徃族姓子今正應時時於十方不可思議
無數菩薩億百千姪如塵之數猶如壯士屈
申臂頃各從所在諸佛國土忽然不現住於

忍界彼有菩薩而雨衆華往詣佛所或雨雜
香華鬘塗香青蓮紅黃白華信脫思夷梧桐
須蔓柔軟大柔軟普念大普念音華月大月
悅樂月華雨如是輩若干種華以供養尊往
至佛所或有菩薩以一音響告語三千大千
世界咨嗟如來無量功勳往詣佛所或帝釋
眷屬或梵營從或四天王輩類或如天龍鬼
神捷沓和等玉女作樂諸眷屬也若干種變
殊別各異往詣佛所適到其前此忍世界三
千大千諸有地獄餓鬼畜生悉爲消除寂莫
無患致最歡悅皆諸菩薩威神所感其菩薩
衆不可稱載百千億數無能思察計其限者

詣釋迦文佛稽首足下繞佛三匝任於虛空
則習此意普身三昧而為正受因自然生七
尋蓮華其色無量則昇其上結跏趺坐於時
者年大迦葉即從座起偏出右臂右膝著地
叉手讚佛而說頌曰
若施於歡悅
功勳諸離垢
十方超衆生

得寂心淡泊
覺了諸所行
尊為無等匹
開導顯示我
無量不可議
善遵行布施
奉戒億劫
所行無等倫
三界無所著
忍力勢無極
其力凡有十
難逮樂功勳
為我斷疑網
見衆生患難
故行若干劫
所行不厭倦
精進益無量
廣施無所愛

男女及妻妾

國土之所有

樂施皆能惠

已斷我狐疑

奉施象馬乘

頭目不逆人

衣服億載數

諸所當光飾

能仁授飲食

常樂於布施

故欲問安住

截身令段段

離垢不懷恚

忍力捨諸慢

願說此意趣

修習於空行

意常善思惟

施安樂功勳

故問滅塵勞

已斷貪欲怒

衆生邪見惱

盡愚癡暗冥

不樂吾我想

棄捐諸有處

修行百千劫

顯道之原際

令我得自歸

慧神度彼岸

善行所當修

曉了吾我想

好樂習空法

處人無所著

心善無所倚

禪定無思議

決疑捨塵垢

往替修習行

施戒忍精進

已入禪智慧

行慈無雙比

奉德無能計

猶如江海水

顏色殊妙好

願為我救護

其歸命世尊

離垢不棄捐

若節節解身

等觀體無色

尊志思道術

悅眾決疑網

如山不可動

安住無戀慕

若在天行定

不著眾玉女

在在所遊居

未曾見陰蓋

勝性無變異

口所說亦然

德普如虛空

稽首無上尊

於是耆年大迦葉以此偈讚佛已唯然世尊

於今何緣有此大光闍靡不遍加復現斯瑞

殊妙難及未曾有法佛告迦葉用為專心而

問此誼非彼聲聞諸緣覺乘之所能及諸天

世人在中迷荒將無惑亂假使如來答此所
問一切罔然不知所趣迦葉又問願佛說之多
所愍傷多所安隱救濟諸天及十方人佛告
迦葉諦聽善思當爲汝說迦葉白佛唯諾世
尊願樂欲聞佛告迦葉文殊師利有三昧名
普光離垢嚴淨以此定意而爲正受由是之
故演其光明照於十方億江沙等諸佛國土
靡不蒙曜十方一一諸佛國土無數無量不
可思議億百千該諸菩薩衆爲此光明所見
請召悉來會集於斯忍界故來親近詣吾目
下繞佛三匝去地七尋於虛空中化作若干
衆妙蓮華身處其上迦葉白佛因是聖旨雨

斯衆華百千妓樂不鼓自鳴一切衆會現金
色乎佛言如是迦葉是諸菩薩威神之所感
動迦葉又白唯然大聖我永不見諸菩薩衆
之所在也佛告迦葉一切聲聞緣覺之乘不
堪任見所以者何其聲聞衆及緣覺乘未曾
在彼修如是像無極大哀大慈之行現無際
誼布施持戒忍辱精進一心智慧亦復如是
遵修志性無及菩薩此諸菩薩已遍入諸三
昧正受各現諸身是身像貌聲聞緣覺所不
能覩唯有如來乃見之耳得是定者亦能見
矣若有菩薩習此道地存在大乘此族姓子
尚不能見況聲聞緣覺豈能覩乎未有此誼

迦葉白佛菩薩有幾事究暢斯行用何德本
逮得遍入諸身三昧佛告迦葉菩薩有十法
而得遍入諸身三昧何等爲十一志性清和
所建通達不捨一切衆生之類二而不違遠
無極大哀三常悉曉了衆想之著宣諸佛法
性不卒暴四若有所講不念輕慢不演聲聞
緣覺地較不慕彼學志於大乘五一切所有施
而不恡放捨所愛貪身壽命何況餘事無益
已者六將護無量生死之難心不懷念汲汲
懈倦七所修布施持戒忍辱精進一心智慧
無限欲具足此諸度無極八於度無極亦無
望想九我當勸立一切衆生令存佛法然後

乃詣坐佛樹下十又計佛道無有衆生是爲
十法菩薩所行逮得遍入諸身三昧迦葉白
佛至未曾有一切聲聞諸緣覺乘所未能發
一心行耶假使衆生一切皆住阿羅漢地尚
不能及況當逮知諸佛法名此三昧乎安能
正受未之有也迦葉復白願樂欲見此諸菩
薩所以者何若得親覩如此像類諸正士等
爲大欣慶佛告迦葉且默湏待文殊今來當
從三昧起諸菩薩等然後汝身乃得見之於今
迦葉假使興設百千方便三昧思求此諸菩
薩不能知處所可遊居威儀禮節也於時迦
葉聞說此誼尋承佛威神因已神足專惟定

力入二万定而爲正受復更興志欲得見此
諸菩薩所行禮儀爲何等類永不能見所可
遊居不知進退往來周旋住立經行何所講
說何所開化度衆生耶寂然不覩從三昧起
復前白佛難及世尊甚可驚恠吾時向者入
二万定而爲正受求諸菩薩不知所存未成
普知諸通之慧何能逮得如斯寂然三昧定
意甫當獲致無上正具最正覺乎若族姓子
族姓女誰見此變不發無上正具道心唯天
中天若有菩薩求此遍入諸身三昧被戒德
鎧以誓自誓心不當遠斯三昧定佛告迦葉
如是如是如汝所云此三昧者非諸聲聞緣

覺乘地所能及者況餘凡夫衆生類耶於是
賢者舍利弗心自念言如來所歎於衆智中
稱吾爲最尊我寧可求此諸菩薩所遊居處
爲何如平時舍利弗入三万三昧而爲正受
察諸菩薩爲何所在都不能見亦不能聞如
影響形像其所瑞應爲何等貌尊者須菩提
心自念言我寧可復求諸菩薩住在何所已
三昧力承佛聖旨入四万定奉修正受欲得
見之而不能覩不知進退往來經行坐立所
在時須菩提從三昧起前到佛所投身足下
而咨白言如來歎我行空第一尚不能逮斯
三昧定政使三千世界成爲大鼓有丈夫來

力勢甚大取須彌山我三昧定而住其前舉
須彌山以搥大鼓一劫不休不能亂之令心
微動我通行空巍巍若茲鼓聲極高徹聞十
方一劫不懈尚無所動聲不向耳豈當今吾
從三昧起未有此義所行空事殊絕乃尔而
反向者四万三昧周遍定意心中欲察諸菩
薩衆永不能覩唯願世尊本假使知諸菩薩
慧道德超絕充光若此一人故恒河沙劫在
大地獄而見燒者莫忍此業患求菩薩道不捨違
離巍巍如是無思議慧身設不逮漏盡意解
者於無數劫能忍處在生死勞苦終不遠離
如是比像無極大慧於時佛讚須菩提曰善

哉善哉誠如卿言志性溫仁咨嗟此辭假使
汝今不以此身取滅度者因斯德本恒邊沙
等為轉輪王治以正法當成無上正真之道
為最正覺又須菩提三千大千世界衆生之
類寧多不乎須菩提言甚多甚多天中天佛
言皆使衆生智慧備足如舍利弗行空第一
如須菩提如是等類諸大聲聞億百千數不
可稱載若欲得見此諸菩薩亦不能覩所以
者何聲聞緣覺不能修行如此法教如諸菩
薩大士之等舉動進止非是小節劣乘所逮
說是法時八万四千諸天世人皆發無上正
真道意三千大千世界皆大震動文殊師利

自在其室心興念言今諸菩薩皆來大會其
限無數億百千姪吾當復令諸天之衆悉皆
雲集於是文殊即如其像三昧正受而顯神
足尋如所念應時化成八万四千億百千數
寶紅蓮華大如車蓋紫金爲葉白銀爲莖首
藏琉璃及馬瑙寶而以雜廁瓊琦諸珎車渠
爲子化諸菩薩皆坐其上體紫金色三十二
相姿艷端正威神暉赫又蓮華光諸化菩薩
照四王天忉利天鹽天兜率天無憍樂天化
自在天梵天大梵天梵迦夷天梵滿天至一
善天普及三千大千世界欲行天色行天所
有宮殿諸菩薩等坐衆蓮華上靡不周流十

方悉暢法音多所開化此諸菩薩皆遊告此
三千大千世界而歎頌曰

諸佛超日月 久遠乃現世

猶如靈瑞華

難值復過是

釋師子人尊

今顯出於世

以時講經典

盡滅一切苦

無上之快樂

安能得久如

復還墮地獄

因更無量惱

若習於貪欲

恩愛轉熾盛

三界無安樂

勿志生死淵

智者得閑暇

佛世難可遇

放逸不覺了

不能滅眾患

當往見正覺

聽受無上法

人尊滅度已

將無懷憂戚

馳騁自恣者

有魔網之難

安能得解脫

迷惑失正路

若人宿有福

可為說此義

佛觀其原際

妙相三十二

餘人不堪任

亦無能將護

唯有佛世雄

其慈無思議

百千劫造行

無量不可議

積累尊聖慧

釋師子巍巍

今講最尊法

其義深難逮

衆生不可得

無壽亦無人

當棄於計常

斷滅亦如之

捨一切諸想

為衆頒宣法

演示真本際

於世無所著

斯空無有想

不興造諸願

無形無所倚

不起無所滅

所來無從來

明眼說法然

無想無所生

本淨無形貌

無見無瑞應

不念有所說

計衆生不生

亦無有死者

人本無所起

亦無有滅度

以意說經法

法無積聚處

因文字号法

道師之所說

其不著風者

亦不依水火

不想念於地

明眼之所歎

色痛痒思想

生死行亦然

說識亦復空

五陰無處所

其眼耳鼻者

若口并身意

分別本淨空

其空不可得

色聲味衆香

細滑意所樂

從想念而生

想亦空自然

裳如列經十一卷

欲界及色界

無色亦如是

分別猶如幻

無實亦無形

正覺為若茲

為人講說法

滅除衆苦患

當速詣導師

諸化菩薩於三千大千世界宣此頌已悉得

聞之有九十六億欲行天人色行天人遠塵

離垢諸法眼淨二万一千人皆得離欲三十三

天子宿殖德本得無所從生法忍當尔之時
諸化菩薩所可勸發無鞅數億百千那術諸
天子等尋往詣佛稽首足下繞佛三匝却任
一面以天青蓮紅黃白華諸天意華散如來
上燒衆名香在於虛空鼓天妓樂時諸天子
集會甚多不可稱計周遍填滿此四方域東
弗于逮南閻浮提西拘耶左北鬱單曰中不
容間若上投杖而不墮地此諸天人威神尊
重志在高節於四方界積衆華香高至于膝
時善住意天子名離垢天懷耻天此等三天
與九十六億諸天眷屬皆志大乘詣文殊師
利住於室外文殊師利自在其室悉取諸華

供養如來今大千國虛空之中成華交露此
衆華光皆照佛國靡不周至文殊師利志安
和雅從三昧興即出其室退任一面自復彈
指此彈指聲六反震動三千大千世界即時
其地出大高座無鞅數寶而雜校成不可計
衣而布其上又斯高座炎威魏魏照於荒域
百千由旬蔽諸天子令明暗冥文殊師利便
處其坐時善任意天子見文殊坐稽首足下
退任一面一切諸天亦復如之文殊師利心
自念言吾當與誰於世尊前難問講議當令
通暢不可思議章句應器難解之迹無所有
迹無所著迹無所棄迹不可得迹無所說迹

深妙之迹真諦之迹誠信之迹無罣礙迹無
所壞迹空無之迹無想之迹無所願迹本無
之迹於一切法無所住迹頒宣道教無極之
迹本際之迹尊上之迹無所入迹法界之迹
無形像迹無比類迹證虛空迹無所舉迹無
所下迹佛法教迹逮聖衆迹慧具足迹在於
三界無疇匹迹遊一切法講無起迹於諸道
法無所致迹諸釋梵迹修勇猛迹於一切法
無陰蓋迹句無句迹度諸句迹超聲聞器文
殊師利復更興念善任意天子於過去佛已
造立行殖衆德本入深法忍辯才無礙今當
與此在世尊前難問講談於時文殊謂善住

意天子曰於今仁者入深法忍欲與仁俱
談言說事善任意天子白文殊師利我與
仁者共談耳設無有言不演談語不懷報
應若不諮問佛法聖衆不聲聞不緣覺不
佛道不終始不生死不泥洹不善非不善
無罪無不罪無漏無不漏無現世無度世
不合不散不啓不發不演文字不暢音聲
文殊師利謂善任意天子吾所講說當如
斯耳若使仁者都不以聞亦不好樂不受
不誦不念不知亦不分別不取不捨亦無
所聽不爲他宣不講說法不令衆生處於
生死若至滅度所以者何諸佛世尊以無

文字逮成無上正真之道為最正覺雖曰
有心則無有心不顯吾我其名無處天子
又問文殊師利仁者講說當聽受之唯文
殊師利以時頒宣令心歡悅諸天子欲聞
尊者演法宣于本際文殊師利復謂善住
意吾所宣法不令諦聽不令啓受所以者
何其欲聽法則受吾我著人壽命故欲聞法
假使天子從顛倒念受於虛偽計吾有我貪
身計有便有此念彼說我聽因此倚故有三
著礙何謂為三一懷顛倒著於吾我二不順
教計有他人三念受法欲有所得是為三礙
假使天子不計吾我淨於三場乃謂聽法不

想報不思念不思察何謂三場一不得人亦
不想報二不有法無所希望三無吾我無所
思慕若使天子聽法如此是為等聽不為邪
聞善任意天子讚文殊師利曰善哉善哉快
說斯言所任說者而不退轉文殊師利答曰
且止天子勿得想念菩薩退轉所以者何若

有菩薩成最正覺時亦不得道天子又問心
以堅者何所退轉文殊答曰婬怒癡轉故曰
為轉為報應轉六十二疑邪見所轉無明所
轉名色所轉欲界色界無色界所轉聲聞緣
覺土地所轉應與不應眾想所轉為諸愛取
妄想見轉諸處進退妄見所轉為諸計常斷

滅見轉為進不進合散所轉我人壽命之所
見轉可意悅樂求慕見轉有常清淨安隱我
身顛倒見轉是為諸念罣礙所轉貪身眾習
眾觀所轉六十二見諸蓋迷冥貪欲瞋恚睡
寐調戲狐疑所轉陰種諸入四大所轉想想佛
法眾我當成佛故曰退轉吾當說法度脫眾
生逮得聖慧由是想轉假使奉修而想十力
十八不共諸佛之法亦想想根力及七覺意亦
著相好亦復妄想嚴淨佛土成聲聞眾是為
退轉一切諸應與不應想與不想設使天子其
行菩薩於此諸退而不退轉問曰何所不轉
答曰通達佛慧則不退轉空無想願則不退

轉於本無行則不退轉亦於法界了其本際則不退轉所以者何用平等行故不退轉善住意天子復問文殊師利如仁所說設於諸法應與不應想及無想著於佛道與魔俱同所以者何計有法故又問菩薩爲有退轉爲無退乎文殊荅曰不以有轉不爲無轉又問何所退轉荅曰皆由一切受虛僞故其受虛僞因是故受若於諸受不受不捨不以患厭則能退信一切諸法頒宣經道不有不無說亦不住所以者何假使退念此有此無則墮缺漏若言有者則爲計常若言無者則墮斷滅如來至直真等正覺若說經法不宣斷滅不演

有常不想諸法說是法時一萬天子逮得無
所從生法忍時善任意天子白文殊曰當共
俱往詣如來所奉見稽首諮受所問所以者
何如來至真斷諸疑結文殊師利荅天子曰
且待須臾勿有疑想於今如是當見如來又
問當於何待荅曰今任在前又問何所任前
荅曰虛空也善任意問文殊如來所在荅曰
今故在前又問文殊吾今不見於如來也文
殊荅曰見諸如來當作此觀若有問者誰在
前立則當報荅虛空界也立在前耳察於如
來如虛空界所以者何一切諸法等如虛空
如來曉了此諸正慧故爲人說如來如虛空

虛空如來則無二矣是故天子欲見如來當
了本際莫懷妄想善任意天子復謂文殊吾
續欲往詣如來所荅曰天子往續在此地勿
得進發善任意天子于時則與無數諸天往
到佛所文殊師利尋時化作三十二部交露
重閣方圓自副四角有柱妙好殊特軒窻備
悉威神巍巍高高顯遠覩莫不歡閣交露中
化作衆寶諸牀檣具布以天衣一一牀上菩
薩化三十二相嚴莊其身於時文殊則如其像
建立神曜妙色蓮華上諸坐菩薩及三千大
千世界可遊行并諸棚閣交路牀坐普詣
佛所繞佛七帀及諸聖衆踊住空中光明照

曜衆會場地却任四方文殊師利忽然速疾
已至佛所善任意天子反從後至時善任意
至彼見之即問之曰仁從何路前至於斯我
發在前反從後至文殊荅曰假使供養江河
沙等如來至真稽首爲禮不能見吾去來進
退文殊師利現未曾現諸來會者還自詣室

時蓮華上諸坐菩薩并交路中皆一音聲同時
發音住於佛前則以此偈讚世尊曰

爲已曾供養

無鞅數億佛

猶如江河沙

無能計誼者

以用志佛道

殊特尊上慧

人尊無所著

勝是故巍巍

顏容尊難及

聖威照三世

能仁衆相好

若干種變異

若頒宣經道
永無人壽命
忍辱習精進
以慧度彼岸
隨一切諸佛
天人所供養
因此得逮成
過去諸如來
斯等悉奉行
察之不有相
又無有生者
亦無性生者

導師從其願
律開導眾人
禪定之智慧
歸命禮最勝
奉敬三界將
篤信於空無
世間人中聖
有今現在者
常解空淨慧
究竟推極之
亦無有死者
一切諸法事

其所分別者
布施行禁戒
三處無所著
奉敬諸正覺
為諸法之王
堅固難可及
其有本往古
人中之尊上
亦無有想願
本淨無眾生
復無有來者
辟若如虛空

如我本所現

正士之所為

察於三事身

悉為無所有

安住所說法

其義為若茲

觀之如幻化

亦如夢所見

諸佛之世界

過如恒沙等

若人滿中物

以用布施者

假使有行忍

是法亦復空

此所興布施

殊特為第一

猶如恒河沙

劫限有若干

供養諸斯等

人中最尊上

眾華及名香

飲食為若斯

若有菩薩學

志求佛道義

若聞此經典

如是諸訓教

若曉了無人

壽命含血類

速逮得法忍

清淨成顯曜

此人則供養

人中無上尊

於無數億劫

常行布施事

飲食諸供養

車馬眾居業

亦不用此行
而計有人故
曾度於衆生
察之無所有
值遇佛興出
信尊亦復然
若我修精進
八懷無閑難
當興行篤信
勇猛常奉行
大音無極聲
精習於閑居

疾成於佛道
其有人中上
所濟無鞅數
解脫明慧等
久久時可得
得來成人身
順從最勝教
應時不再遇
諮啓佛教訓
若得逮聞法
已度于彼岸
從人中之上

反懷衆妄想
已歸滅度者
其法本清淨
所學爲若茲
若說經典時
亦復甚難矣
常當蠲除去
閑暇時希有
當應勤力務
速疾修謹勅
常當自將養
稽顙不違命

從就善知識
偽行惡知識
雖在於衆生
博聞之徒類
數數當調習
第一無懷疑
悉亦同等相
是第一本際
佛解了五陰
又觀外所有
慎莫懷戀恨
本淨如虛空

通達法器者
一切修平順
慎莫懷妄想
等察於他人
親近坐樹下
一切諸有爲
辟之若野馬
則疾成佛道
猶如幻師化
安住所分別
於彼依倚人
駭眞瞋恚事

心常棄於非
等心方便隨
奉承禁戒者
常行而乞食
穢藥以療身
計是亦無爲
若能曉了者
爲逮無等倫
自察其內已
是則爲空聚
其婬怒癡者
悉亦從想生

又計其想念 亦不得所在 諸導師之衆

所曉了若此 是故有智者 人中爲明目

假使欲究竟 諸佛之道慧 棄捐諸罣礙

有爲之迷惑 此等勇猛士 必成尊佛道

亦時諸化菩薩說是偈已彼衆會中諸來聽

者二萬二千人皆發無上正真道意五百比

丘得不起餘漏盡意解三百比丘尼得法眼淨

七千優婆塞七千優婆夷二萬五千諸天子

遠塵離垢諸法眼淨三百菩薩逮無所得從

生法忍此三千大千世界六反震動其大光

明普照十方耆年舍利弗前白佛言唯願大

聖此誰威德使此三千大千世界六反震動

諸化菩薩在交路閣蓮華上坐演深妙法其
義殊特斯炁普照諸來會者無鞅數億衆菩
薩集會諸天子等不可稱載佛告舍利弗文
殊師利威神所感悉令集會所以者何是故
文殊啓問如來毀伏魔場三昧之要具足成
就不可思議諸佛之法名寂然空行與善住
意天子俱舍利弗白佛言文殊師利不來會
乎何故不現佛告舍利弗文殊師利降毀衆
魔三昧正受蔽魔宮殿與大威變詣如來所
於是文殊降毀魔場三昧正受應時三千大千
世界百億魔宮一時皆蔽不樂其處各各懷
懷時魔波旬自見老耄羸頓少氣拄杖而行

所有宮人采女之等亦復羸老又見宮殿而復崩壞暗暗冥冥不知東西時魔波旬即懷恐懼衣毛為豎心自念言此何變恠令吾宮殿委頓乃余將無罪至命歸壽終天地遇災劫被燒耶時魔波旬棄除貢高捨惡思想時文殊師利所化百億天子在交路者住諸魔前謂魔波旬莫懷恐懼汝等之身終無患難有不退轉菩薩大士名文殊師利威德殊絕摠攝十方德過須彌智超江海慧越虛空於今以是降毀魔場三昧正受是其威神諸天子等適宣此言諸魔聞之益懷恐懼畏於文殊諸魔宮殿尋時震動諸魔波旬報化菩薩

願見救濟答曰且安勿懷恐懼仁等當往至
釋迦文佛所如來至真無盡哀暢無極慈
假使衆生有大恐懼慰沃仁慈今無所畏諸
化菩薩適說此言忽沒不現衆魔欣然與諸
交路化坐菩薩會共同心往詣佛所羸老扶
杖一時發音前白佛言唯願大聖救護我等令
得濟脫如此大患寧得值遇百千億佛功德
名稱不爲獨一文殊師利所見逼迫所以者
何我等昔者聞文殊名尋即恐懼不能自安
畏亡身命佛告諸魔如仁所言億百千佛所
益衆生不及文殊之所開化各各勸導無鞅
數衆令得解脫所以者何汝等未聞億百千

佛功德名号雖遭惱患心懷恐懼因一文殊
之所興變所難益甚諸魔白佛我等羞慙此
羸老身今從世尊自歸加哀願復本形校飭
天服佛告諸魔且待須臾文殊師利如是來
至當脫斯等如此衆難於是文殊安隱詳序
與無鞅數諸天子等百千那術眷屬圍繞不
可稱計天龍鬼神阿湏倫迦留羅真陁羅摩
睺勒億百兆載無量菩薩其數無限前後導
從鼓百千樂雨衆名香青蓮紅黃白華清淨
莊嚴無極威變見莫不歡俱往詣佛稽首足
下繞佛三帀退坐一面於時世尊告文殊曰
仁且正受已降毀魔而三昧矣文殊白佛唯

當從教世尊又問以何方宜而從如來聽受
此定又何以如成此三昧文殊白佛曰唯然大
聖我未發無上正真道意時聞此定名尋時
則成是三昧矣又問文殊所從聞是三昧定
者其号何等如來文殊白佛乃往過去久遠
世時越過恒河沙不可計會阿僧祇劫尔時
有佛号意華香如來至真等王覺明行足爲
善逝世間解無上士道法御天人師号佛世
尊彼時演斯三昧行品我身尔時從得聞是
降毀魔場三昧慧音佛問文殊何謂三昧慧
音其意華香如來所宣文殊白佛菩薩有二
十事而用逮得降毀魔場三昧定意何謂二

十文殊白佛於是菩薩一毀貪婬滅其欲心
二毀瞋恚除瑕穢心三毀愚癡去暗冥心四
毀憍慢而捨懷恨五毀瞋怒不懷惱熱六捨
衆想及諸邪見七棄多念所生受事及與放
捨八離所有及無所有九越斷滅計常十毀
陰種諸入四大十一其心不著三界十二遠
聲聞心十三釋緣覺意十四刈嫉妬貪餘十
五遠毀戒違禁之難十六斷鬪諍不可之事
十七翦懈怠猶豫十八拔諸放逸憤亂之意
十九勗免邪智不正之事二十降伏塵勞愛
欲結網是二十事菩薩所行逮是三昧文殊
白佛菩薩復有四事逮是三昧何謂四一所

行立心清調和二志性柔輒而無諂飾三入
深法忍心不起滅四所有施未曾愛恠是為
四復有四法逮是三昧何謂四一行至誠不
懷欺詐二習閑居寂莫之行三啓受經典諷
誦諸法四究竟諸行棄捐非義是為四菩薩復
有四事何謂四一親近善友二限知止足三
精思獨處四不在憤鬧是為四菩薩復有四
事逮是三昧何謂為四一心不樂聲聞二捨
緣覺意三志菩薩道四逮得法忍是為四復
有四法逮是三昧何謂為四一修空法不計
有人二遵無想捨衆希望三無放逸除諸所
願四知足悅棄一切有是為四復有四法逮

是三昧何謂為四一周旋無量生死之難二
等療一切衆生之類三常一心唯念應時四
無馳騁度于彼岸唯願世尊意華香如來至
真等正覺說是三昧行音尔時從彼聞是三
昧其佛去後次復有佛号明珠日月光曜因
其如來成是三昧說是毘伏魔場三昧時彼
衆會中一万菩薩如是色像感動變化悉得
無所從生法忍於舍利弗所志云何於是三
千大千世界獨有是變降諸魔乎勿作斯觀
所以者何十方一切恒河沙等諸佛刹土諸
魔波旬求人便者皆遇此難不得自在悉文
殊師利之所建立尔時世尊告文殊曰仁當

捨置所建威神當使諸魔還復本形天上服
師尔時文殊告諸魔曰諸賢者等實為惡穢
此身服乎報曰實尔文殊荅曰汝等宜當厭
貪欲事不住三界諸魔報曰唯當從命善哉
文殊願加威神令我等脫如是形類威儀服
飾文殊師利尋捨威變療諸天人及諸王女
使其形體平復如故衣被光澤威神巍巍文
殊師利告於諸魔諸仁欲知其眼所愛而懷
思想眼有所著則為眼根因思想眼言是我
所依倚於眼因生於眼眼之所趣自為心候
還護其眼舉眼下眼則是汝等之境界也為
造魔業耳鼻口身意亦復如是假使有眼而

無所著色耳無所聽鼻香口味身受心法悉
無所著非汝部界不同勞侶無力不樂則無
魔業亦無影響又復卿等自計吾我隨念有
身緣趣此患卿等何因處於衆會欲得寂然
未之有也文殊師利應時於彼為魔眷屬解
說經典使一萬魔皆發無上正直道意八萬

四千魔遠塵離垢諸法法眼淨其餘衆魔
各歸宮殿皆共舉聲悉稱萬歲吾等已脫於
大恐懼

佛說如幻三昧卷上

裳

濡首

上亦作粟音軟一
即文殊之別号也

鎧

口改昔愛
反一甲也

光

燦字焯愚下竹戇降反突上音底恭恪下口恪各反方

域下于清澈下直拔擢上音濁和上唐淡泊上亦暉赫下許

明盛反自也翅鳥上施智反沓和上淡泊上亦功祚徒祚敢

安靜也無鞅作央頒宣上音班功祚徒祚敢

下工憤亂謂上俱姝反愚駸反下語皆搃持

或作惣惣字矜念反上居隣也奮方問反媛也古哀反數

誤莫班反花一也藥土以須葛莫非

官匹狐疑上音棄捐上音誼音義唯詰

上于癸反下奴各汲汲音給欲音槌直追反雜

廁下初使友璜琦音奇玉也下豔鹽天鹽上

字淵烏玄也反憂感下倉馳騁下奔逸領反痛痒

下音殖作常植力反亦填滿田上音疇迓正作儔下

疋字 睡寐

二下密反

調戲

上徒反

缺漏

下作誤

嵩高

上息反

牀檣

上音床下音塔

棚問

上步反

八懷

下其去反

閑

暇

下音夏

稽顙

下蘇朗曰

反以手

老耄

下莫到反

也

羸

拄杖

上主反

慰沃

下烏反

僉共

上七反


也

刈

勗勉

上許玉反

勸進也



猪飼順良寄附

